



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nomenclator Sanctae Romanae Ecclesiae Cardinalium Qvi
Ab Anno Christi Millesimo quippiam commentati sunt, Sev
Ab Eo Tempore quo Pontificis electione ad eos tantum ob
Romani cleri multitudinem ...**

**La Roche-posay, Henri-Louis Chasteigner de
Tolosae, 1614**

Ab Hadriano VI. Creati.

urn:nbn:de:hbz:466:1-10735

AUGUSTINVS TRIVVLTIVS Mediolanensis ex
Episcopo Tolonensi & Baiocensi Cardinalis, scripsit,
indefesso propemodum studio,

Historiam Pontificum per succiduum successio-
nem ad Paulum 3. deductam, quam mortè præ-
occupatus typis mandare non potuit. Eaque
Onuphrius Panuinius qui Pontificum historiã
densissimis obsessam tenebris illustravit, non
mediocriter vsus est. Obiit Romæ anno 1548.
Sepultus in æde S. Mariæ de Populo.

AB HADRIANO VI. CREATI.

VILLELMVS ENCKENVOERTIVS Belga
ex Episcopo Dertusensi Cardinalis, scripsit

Orationem ad Theologiæ facultatem Louanien-
sem. Romæ iacet in æde S. Mariæ de anima
cum hoc Epitaphio.

*Villmo Enckenvoertio Brabantino S. R. E. presbytero
Cardinal, qui plurimis Romane Reipublice magistratibus, &
Germanie procuratione integerrimè functus ab Hadriano 6. Pont.
Maximo, cuius item res administrauerat libellis dandis & Ec-
clesiæ Dertusensi præfectus, & in Cardinalium Collegium claro
benevolentia indicio translatis in eum pristinae suæ dignitatis insti-
gnibus solus cooptatus. Deinde etiam à Clemente 7. Ecclesiã Traie-
ctensi honestatus est. Carolo quinto Imperatori libentiss. quem ab
illo coronam Imperij accipientem inunxit, quique beneficiorum me-
mor Hadriani cadaver è Petri Basilica in hanc ædem cuius con-
struendæ & ornandæ adiutor fuit, sepulchro posito transferri
curauit, in egenos & in omnes homines beneficentissimo. Ioannes
Dominicus Tranensis, Antonius Sanseuerinus Cardinales, & Pe-*

erus Vorstius Episcopus Aquensis, Andreas Castillo scriptor Apostolicus ex testamento posuere. Vixit annos 70. mortem obiit 1534.

A CLEMENTE VII. CREATI.

BENEDICTVS ACCOLTVS Aretinus Cardinalis, ad quem Bembi, Sadoleti, Pauli Manutij, & Cælii Calcagnini plures leguntur Epistolæ, omnem penè Ciceronis phrasin, vt ex eius operibus liquet, assecutus est; nec minore felicitate numeros latinos attigit, doctos summopere coluit, præsertim Picum Mirandulanum, Molzam, Pierium Valerianum, Vbalinum, Octauium Pantagathum, Giraldum, Paulum Manutium, Robertellum & alios: scripsit autem purgatissimè De bello sacro libros 4.

Libellos quosdam vt refert Giraldus.

Epistolas multas, quarum quinque habes inter Epistolas clarorum virorum & illas Sadoleti.

Carminaque mirâ concinnitate cõposita, quinque Etruscorum Poetarum carminibus partim indita. Obiit Florentiæ anno 1549. ibidemque sepultus est.

ANTONIUS DE PRATO, ex Archiepiscopo Senonensi & Galliarum Cancellario Cardinalis, scripsit Acta Senonensis Synodi, vltimo Conciliorum tomo inserta.

Orationesque aliquot, vt notat Franciscus à Cruce Cænomanensis. Iacet in Cathedrali Senonensi cum hoc Epitaphio.

Q